

2 REYES

Cap. 5:8 - 6:1

Maitei angirũ che rendúva. Ñañepyrũ ñande estudio 2 Reyes rehegua. Ko árape ñamyesakâvéta ko capítulo 5. Ñane programa mboyve guápe ñañe'ẽ Kuri pe mitãkuña hebrea rehe, jahecha háicha ha'e iñarandu. Ñandéve guarã ha'e ojogua reina Esther, Rut pe moabita, Betsabé, Sara, Rebeca térã Raquelpe. Chupe “*ojereraha Naamán rembireko rembiguirã.*” Pe mitãkuña he'i pe ikatúva ojapo Naamán, oho haña pe profeta rendápe, Samariape. Ha'e omongueráta chupe ilepragui.” Péva ohechauka Eliseope ojekuaaitereiha. Oĩ omomba'éva pe mitãkuña he'íva. Pe rey Siria pegua ohai Israel reype, ohai rangué Eliseope pe kuatiañe'ẽ, ha pe rey he'i: “Che nga'u piko Ñandejára, ome'ẽ ha oipe'áva jeikove, ajeve kóva ombou che rendápe peteĩ kuimba'e amonguera haguã chupe ikuru vaígui.” Eliseo ndaikatúi avei oporomonguera ha'e ojeroviánte Ñandejára, pe oporomongueráva rehe. Pe rey Israel pegua oimo'ã pe rey Siria pegua oñorairõse hendive, péicha rupi ogueruka chupe kuatiañe'ẽ. Ñamone'ẽ umi versículo 8, 9 ha 10 ko capítulo 5gui, 2 Reyespe:

2 Reyes 5:8-10 “Maranduhára Eliseo, ohendúvo Israel ruvicha guasu omondoro hague ijao, he'ika chupe: “Maerã piko remondoro nde ao? Tou pe kuimba'e che rendápe ha oikuaáta oĩha maranduhára Israélpe.”⁹Naamán oho ikárro ha ikavaju kuéra reheve ha opyta Eliseo róga renondépe. ¹⁰Eliseo katu he'ika chupe hembijokuái rupi: “Tereho ejahu 7 jey ysry Jordánpe ha nde rete ipotĩta kuru vaígui.”

Pe rey Israel pegua naimandu'ái pe profeta oíha hetâme. Eliseo he'i: "Tou che rendápe Naamán." Naamán oho ikárro ha ikavaju kuéra reheve, oimo'ã Eliseo osêta hendápe ha oguerohorýta chupe. Eliseo katu he'ika chupe pe ojapo vaerã okuera haġua. Naamán noha'arõi he'i chupe péicha. Eliseo ndahorýi hendive ha'e ramo jepe general ikatupyryva Siria pegua. Péva rangue he'ika chupe hembijokuái rupi: "Tereho ejahu 7 jey ysyry Jordánpe ha nde rete ipotĩta kuru vaĩgui. Ñamõe'ẽ pe versículo 11 ko capítulo 5gui:

2 Reyes 5:11 "Naamán ipochy eterei ha oho jey he'ívo:—Che aimo'ã osêta che rendápe, ñembo'yhápe oñembo'éta Ñandejára Ijárpe, upéi opokóta che rasyhápe ha péicha che monguerataha."

Naamán oñeñandu vai ha'e tuichaiterei mba'e hetâme. Araka'eve ndohasáiva péicha. Ko'aġa Ñandejára omongueráta chupe ilepra ha ijererovúgui. Ñandejára osalva ramo yvypórape, angirũ che rendúva, oipe'a chugui pe ijererovu, Ñandejára ndoguerohorýiva. Ko'aġa rupi ñahendu heta jevy oje'e ramo Ñandejára ha'e mborayhu, ha Ñandejára avei oguereko mba'e ndoguerohorýiva. Ndaikatúi japorohayhu porã na ñamboykéi ramo umi mba'e vai. Proverbios capítulo 6, versículo 16 ha 17pe he'i: "Siéte mba'e oime Ñandejárape ombopochýva: ojejapóva ha ijapúva, oporojuka reíva." Umi versículo upe rire guápe he'ive umi Ñandejára ndoguerohorýiva. ¿Rehecha kuaápa mba'épa omyakã pe mba'e Ñandejára ndoguerohorýiva? ¿Rehecha kuaápa ha'e pe "ojejapóva"? Ñandejára he'i ndoguerohorýiha, angirũ che rendúva. Ndoguerohorýi pe ojejapóva pe oporojuka vaicha avei. Santiago, capítulo 4, versículo 6pe he'i: "Ñandejára katu ñane pytyvõve imba'e porãme, he'i niko iñe'ẽme: "Ñandejára oñemohatã umi ojejapóvape, ha ipy'a porã umi ojejapo'yva ndive." Pe jejapo, angirũ che rendúva ha'e pe ombyaíva yvypórape, ha'e peteĩ angaipa ivaíva. Proverbios, capítulo 16, versículo 18pe ñamõe'ẽ: "Jejapo ñande reraha ñehundípe, ha oñembotuichaséva ho'a vaerã katuete." Ha, Proverbios capítulo 11, versículo 2pe he'i: "Umi ojejapóvape oguahẽ ñemotĩ, oñemomirĩvape katu omoirũ iñarandu." Opakuévo Proverbios capítulo 29, versículo 23pe he'i: "Ñembotuicha oporogueraha ñemotĩme,

jejapo'y reko katu ome'ẽ vy'a ha terakuã porã.” ¿Mba'érepa Ñandejára ndoguerohorýi pe jejapo? Pe jejapo he'ise “jajehayhu eterei.” Ha'e jajepy'a mongeta eterei ñande jehénte. Pablo he'i Romanos, capítulo 12, versículo 3pe: “*Pe ijapopyrã Ñandejára ome'ẽ vaekue ipy'a porãgui chéve, upévore ha'e peẽme ani haguã peje pende jehe mba'eve upe peje vaerãgui. Iporãve peteĩ-teĩ he'i ijehe upe heko pegua, ohecha kuaávo jopói ome'ẽ vaekue chupe Ñandejára, upe ijerovia ndive.*” Pe jejapo he'ise jajepy'a mongeta hetave ñande jehe pe ñande háichagui. Añáme ombyai Kuri pe ijejapo. Péva ha'e pe iñangaipa. Pe jejapo ha'e avei pe Edom angaipa. Edom rehe, Ñandejára he'i Abdías, capítulo 1 versículo 4pe: “*Jepe taguatóicha yvate rejupi ramoha rejaitypo mbyja apytépe, upégui che roityta.*” He'i Ñandejára: “Pe yvypóra jejapo ojoavy pe Ñandejára ojaopósevagui, ha araka'eve ndoiko porã mo'ãi oñondive. Pe Ñandejára Jesucristo ojapo vaekue ñande salva haña ohechauka na ñande jejapói vaerãha. Ñandejára oity pe yvypórape ijererovúgui. Ñandejára noikotevẽi mba'eve ñande hegui.

Apóstol Pablo ojojuhu ramo guare Jesucristo ndive, he'i ijehe Filipenses, capítulo 3, versículo 7pe: “*Opáichavo, opa ko'ã mba'e amomba'ete vaekue, ko'ágã ndajapói mba'everõ Cristo rehehápe.*” He'ise, Pablo oheja pe religión. Pablo oheja paite, ndojapói mba'everõ umi ha'e ikatúva rehe ojejapo. Cristo ha pe jejapo ndaikatúi oiko oñondive. Ndaikatúi ñande jejapo ha jajerovia Cristo rehe ñande Salvador ramo. Nde rejerovia ramo Cristo rehe, angirũ che rendúva, reheja vaerã pe jererovu pe yvy timbo apytépe.

Naamán rekovépe jahecha kuaa oheja hague pe ijejapo. Jaikuaa ha'e peteĩ kuimba'e katupyry. Ñandejára he'i hese ikatupyryha. Ha opakuévo he'i: “*Ha'e oguereko lepra.*” Ha'e oguereko angaipa. Ñandejára ndaha'ei pe ileprante omonguera vaekue chupe, omonguera avei chupe ijejapógui. Jahecha kuaa Eliseo ombopochy hague chupe. Naamán oimo'ã Eliseo osêta hendápe, ñembo'yhápe oñembo'éta Ñandejára Ijárpe, upéi opokóta hasyhápe ha péicha omongueráta chupe. Ñandejára ñane monguera ñande jerovia rupi. Ha'e añoite ikatu ñane monguera. Ñañemboja vaerã hese jakuera haña. Ñamoñe'ẽ pe versículo 12 ko capítulo 5gui 2

Reyespe. Naamán ipochy gueteri.

2 Reyes 5:12 “Damasco pegua ysyry Abana ha Farfar niko iporãve opa ysyry Israel peguágui. Umívapente niko ikatu vaerã mo’ã ajahu che potĩ haguã che kuru vaígui. Ha tuicha pochy reheve oho upégui.”

Naamán oikuaa umi ysyry Abana ha Farfar iporãveha. Pe ysyry Jordán pegua ityai, oguereko rupi lodo. Ha Naamán ndoikeséi pe ysyrype.

Heta tapicha, angirũ che rendúva, noġuahẽséi pe Ñandejára kurusúpe. Péva rangue oġuahese Cristo rendápe pe oja póva rupive. Ha péva ha’e pe Naamán oja pose vaekue. ¡Pe Naamán jejapo he’i pe y Damasco pegua iporãveha, ha añetehápe iporãve. Naamán ipochy avei pe profeta he’ika haguẽre chupe oho haġua ysyry Jordánpe. Angirũ che rendúva, nde rejero via mante vaerã pe Cristo kurusu rehe. Nde, nde rejúi Cristo rendápe nde jejapo reheve. Nde reju hendápe, *ne angaipa reheve rejero víavo hese*. Reguero via vaerã Cristo Jesús, ohepy me’ẽ hague ne angaipa rehe pe kurusúpe.

Carlota Elliot, peteĩ kuñataĩ opurahéi porãitereíva ópera, opurahéi peteĩ pyharépe. Oporaheipa rirẽ peteĩ predicador he’i chupe: “Nde repurahéi porãiterei. Ñandejárape ikatu repurahéi. Rehejánte vaerã ne angaipa ha reju hendápe, oja po háicha heta tapicha.” Ha, ha’e ipochy ha he’i: “¿Mba’éicha piko nde reñe’ẽta chéve péicha? Che ndaha’ẽi ambueíchagua tapicha rei. Che ha’e hína pe opurahéi kuaáva ópera ha ajekuaaiterei.” Upe pyharépe ha’e ou hógape, ha ndaikatúi hesarái pe predicador he’i vaekue chupégui. Ndaikatúi oke. Upe rirẽ ha’e ohaí pe himno he’íva: “*Che angaipa háicha, ajero víavo ne Mborayhúrente, che renóigui aju ne rendápe; Ñandejára Ovecha, ápe aime.*” Angirũ che rendúva, nde reju ramo Cristo rendápe, péicha reju vaerã hendápe. ¡Reime háichaite! Ñamoñe’ẽ pe versículo 13 ko capítulo 5gui, 2

Reyespe.

2 Reyes 5:13 “Hembiguái kuéra katu oñemboja ha he'i chupe:—Karai, pe maranduhára he'i rire ndéve rejapo haguã peteĩ mba'e hasýva, nderejapói chénepe ra'e? Ha pe he'íva ndéve niko Kóvante: rejahu haguã ha ne potĩtaha.”

Ehecha kuaápa umi Naamán rembiguai kuéra he'i chupe: “Pe maranduhára he'i rire ndéve rejapo haguã peteĩ mba'e hasýva, nderejapói chénepe ra'e? ¡Heta tapicha ojaposeve heta mba'e hasýva ojesalva haḡua! Natekotevẽ véima jajapo mba'eve. Cristo ojapopáma ñande rehe jajesalva haḡua. Ñande jajeroviánte vaerã hese. Jahecha mba'épa ojapo pe versículo 14pe:

2 Reyes 5:14 “Naamán oho ha oñapymi 7 jey ysyry Jordánpe, he'i haguéicha chupe maranduhára, ha ho'o opyta ipotĩ asy mitã ro'óicha.”

Naamán ojapo he'i haguéicha chupe profeta Eliseo ha okuera pe mba'asýgui. Ñamoñe'ẽ umi versículo 15 guive 19 peve:

2 Reyes 5:15-19 “Upérõ ha'e ha opa imoirũhára oho jey Eliseo rendápe, ha oguahẽvo Naamán he'i chupe:—Ko'ágã aikuaa porã, opa tetã nguéra ko yvy arigua apytépe, Israelpe ñoite oĩha Ñandejára. Upévare ajerure ndéve rereko haguã ne mba'erã ko'ã jopói arúva ndéve.¹⁶Eliseo katu he'i chupe:—Che Jára, che recháva hína rehe ha'e ndéve, ndareko mo'ãiha che mba'erã. Ha Naamán he'ive ramo jepe chupe, Eliseo ndoipotái. ¹⁷Upérõ Naamán he'i chupe:—Upéicha ramo, taraha mína mokõi che mburika ári yvy Israel pegua; águive niko naikuave'ẽ mo'ã véima mymbahapy térã mymbajuka tupã nguérape, opa mba'e Járape ñoiténtema uvei. ¹⁸Peteĩ mba'énte ajerure opa mba'e Járape: che ruvicha guasu oho ramo itupaópe omomba'e guasu haguã Rimónpe, ha'e ojeko ramo che jyva rehe ha añesũ mante

vaerã upe tupaópe, opa mba'e Jára toheja rei chéve upe ajapóva. ¹⁹Eliseo he'i chupe:—Ta nde py'a guapy katu rehóvo!Naamán oho upégui. Ha oho mombyrymíma ramo.”

Ojapo rupi pe Eliseo he'íva, Naamán ohecha kuaa oíha peteî Ñandejára Israelpe ha oguerovia Ñandejára añoite ha'eha pe Ñandejára añeteguáva. Ha he'i Ñandejárape añoite omomba'étaha. Naamán ohecha kuaa Rimón ha'eha tupâ gua'u ha omomba'e añetehápe ikorasôme Ñandejárape.

Eliseo rembiguái ha'e Giezi. Giezi oipota pe jopói ogueru vaekue Naamán, ha oho hapykuéri. Jahecha mba'épa he'i chupe umi versículo 20 guive 27 peve ko capítulo 5gui, 2 Reyespe:

2 Reyes 5:20-27 “²⁰Guehazí, Eliseo rembiguái, he'i ipype: “Che jára oheja Naamán, pe síriope oho, oipota'ýre mba'eve opa mba'e ogueru vaekuégui. Ñandejára rerape ha'e, pya'e ahataha hapykuéri, jahecha mba'épa ikatu ahupyty chugui.”²¹Ha Guehazí oho Naamán rapykuéri; Naamán ohechávo ou hapykuéri, oguejy ikárrogui huguaitívo ha oporandu chupe:—Mba'e piko ojehu?²²—Mba'eve, he'i Guehazí, che járanteko he'ika ndéve uguahẽ hague hendápe mokõi maranduhára pyahu, ouva Efraín yvytýgui ha he'i ikatúpa reme'ẽ chupe 3.000 pláta pehẽngue ha mokõi ao.²³Naamán he'i chupe:—E'a! Eraha katu chupe 6.000 pláta pehẽngue.Naamán he'i jey-jey chupe ogueraha haguã ha omoinge umíva mokõi vosápe ha heseve mokõi ao ha ome'ẽ mokõi hembiguáipe ogueraha haguã Guehazí renonderã. ²⁴Uguahẽvo hikuái pe yvytýpe, Guehazí oñongatu hógape upe pláta ha omondo umi tembiguáipe. ²⁵Upéi oho ijára rendápe ha Eliseo oporandu chupe:Mamóguipa reju Guehazí?—Ndahái kuri mamove, he'i Guehazí.²⁶Eliseo katu he'i chupe:Peteĩ kuimba'e oguejy ramo ikárrogui ne uguaitívo, che espíritu oĩ upépe. Ko'ágã nde pláta hetáma ha ikatúta rejogua nde kokuerã, olivoty, parralty, ovecha, vaka, tembiguái kuimba'éva ha kuñáva. ²⁷Pe kuru vai Naamán mba'ekue katu ojáta nde rehe ha ne ñemoñare kuérare opa árape

guarã.Guehazí ojei vove Eliséogui, ojaho'i chupe kuru vai ha opyta morotĩ aramirõicha.”

¿Mba'érepa Giezi ogueru pe Naamán jopói? Imba'epota rupi ogueru. Pe Naamán angaipa ha'e Kuri ijejapo, ha Giezi angaipa ha'e pe imba'epota. Angirũ che rendúva, péva ha'e pe lepra ñane ánga pegua. Ha Giezi pe oñembojovake imba'epota rehe. Oguereko lepra.

Péicha ñamohu'ã ñande estudio ko capítulo 5 rehegua, 2 Reyespe. Jahasáma ko'ağa pe capítulo 6pe. Ko capítulope, Eliseo oheja oveyí peteî hacha. Pe hacha oveyíva ohechauka profeta Eliseo rekove. Eliseope ojekuaaiterei mbo'ehára ramo umi profeta apytépe. Ha'e kuéra oikotevẽ tuichave pe hóga kuéra ha Eliseo oho hendive kuéra oikytívo yvyty Jordángui pe yvyra. Pe hacha ojeiporu vaekue ho'a ýpe. Oî he'íva pe temimbo'e noñangarekói hague pe oiporu vaekue rehe, ha ndoiporúi vaerã voi Kuri. Eliseo katu nde'íri chupe mba'eve.

Ko'ápe jahecha kuaa Elías iñambue Eliseogui. Elías nomomba'e mo'ãi Kuri pe oiko vaekue. Ha Eliseo ndaha'úi péicha. Eliseo ohecha pe oikóva Jesucristo ohecha háicha. Ko'ápe jaguereko peteî mbo'epy. Yvypóra kuéra oiko angaipápe, ha pe y tyai ha mano ojaho'i chupe kuéra. Pe yvyra ohechaukáva pe kurusu, ho'a ramo pe ýpe ohechaukáva mano, ohechauka ikatúha osalva yvypórape, ha ikatu avei ombopyahu jevy hekove Ñandejára ndive ko yvy ári ha yvágape guarã.

Ko capítulope avei, Eliseo oja'o Israel reype pe Ben-adad oja póva rupi. Ben-adad, ojukase Eliseope ombou umi hembiguái pe Dotánpe oîháme pe profeta. Pe Eliseo rembiguái oimo'ã upe árape omanóta; Eliseo ojerure Ñandejára ohesape'a hağua hembiguái pe. Ha Ñandejára ohesape'a chupe, ñamone'ẽ pe versículo 17: *“Ha Eliseo oñembo'e Ñandejárape he'ívo: “Che Jára, ehesape'ána chupe tohechami.” Upérõ Ñandejára ohesape'a pe tembiguái pe, ha ha'e ohecha pe yvyty henyhẽ kavaju ha kárro tata arigua Eliseo jerére.”* Eliseo ogueraha Samariape

umi sirio hesatũvape.

Ñamohu'ãvo ko capítulo 6, jahecha jevy Ben-adad, ombou jevy hembiguái kuérape Samariape, ha umi tavaygua ohasa ñembyahýi. Pe rey Samaria pegua omboja Eliseo rehe pe oikóva ha ojukase chupe. Ko capítulo 6pe, jaguereko mokõi tembiasakue araka'eve ndoikóiva yvypóra rekovépe. Pe peteĩva ha'e pe hacha oevýiva. Ha pe mokõiha ha'e pe Dotánpe oiko vaekue. Ja'éma Kuri Eliseo iñambue Elíasgui. Elías ohechauka pe oja póva, ha Eliseo sa'i ojehechauka. Elías omba'apo opavave renondépe pe yvyty Carmelope. Ha Eliseo omba'apo ha'eñónte Naamán ndive. Elías omboguejy tata ha ombou ama, Eliseo sa'i ojechauka. Elías omba'apo umi mburuvicha guasu ndive; Eliseo omba'apo umi tapicha tavaygua ndive. Elías nomanói, Eliseo omano. Ko'áva mokõi kuimba'e ohechauka pe iglesia ohótava Jesucristo ndive. Umi oikovéva ojegueraháta yvágape ha umi omano vaekue opu'ata omanóva apytégui. Ñamoñe'ẽ pe versículo 1 ko capítulo 6gui, 2 Reyespe:

2 Reyes 6:1 “Peteĩ jey momaranduhára kuéra he'i Eliséope:—Ko roikohápe ne ndive michĩ eterei oréve guarã.”

Jahecha kuaa Eliseope ojekuaaiterei. Ha'e ombo'e pe seminariope umi profeta kuérape. Pe mbo'ehaópe oho heta temimbo'e ha oñeikotevẽ tuichave pe tenda. Ha péva rupive jahecha kuaa, Eliseo pe Ñandejára profeta ombo'e porãiterei hague.

Ko'ápe japytáta ko árape, angirũ che rendúva. Ambue programape ñamyesakâvéta ñane mbo'epy Ñandejára pytyvô rupive!